

Bovdehus girjerádjosi!

Girjerájusgoarta lea juohkehažži

- » Buot Suoma gielddain lea girjerájus dehe girjerájusbálvalusat
- » Girjerájusgoartta oažžu juohkehaš, geas lea čujuhus Suomas.
- » Mánáid girjerájusgoarta lea nuvtá.

Maiddá ollesolmmoš oažžu vuosttaš girjerájusgoartta nuvtá. Sáhtát skáhppot girjerájusgoartta maiddá njuoratmánái.

Sámegielat girjerájus

Sámegielat girjerájus (Suoma sámi earenoamášgirjerádjju) Roavvenjárggas lea rabas buohkaide. Čoakkáldat lea okta Davviriikkaid viidámusain. Dat sisttisdoallá girjjálašvuoda, musihka, filmmaid ja bládiid. Váldooassi materiálas lea Suoma beale sámegielaide. Čoakkáldahkii gullet dasa lassin aviisaartihkal-, gárta-, blakáhta- ja hárvanašgirječoakkáldagat. Sámi čoakkáldagat gávdnojit maiddá sámeguovllu girjerádjosiin. Materiála sáhtá ohat Lappi girjerádjosiid Finnbálvalusas (lapinkirjasto.finna.fi), ja luoikkahahti materiála doaimmahuvvo eará girjerádjosiidda Suomas.

Girjerájus veahkeha!

Girjerádjosa ámmátolbmot veahkehit mielas gávdnat heivvolaš lohka muša. Sis sáhtá jearrat iešguđetahkásaš mánáide heivvolaš girjiid dehe dihto fáddái gullevaš lohka muša.

SUOMEN
KIRJASTO
SEURA





Girjjit buot sohkabuolvvaide

Girjerádjosis gávdnojit girjjit buotahkásaččaide. Vávvaide ja unnoraččaide leat geahčadan-girjjit, main leat assás siiddut ja čielga govat. Leat vávváhoahkamat ja eará hoahkangirjjit, lávllagirjjit, govvagirjjit ja máidnasat. Gávnnat girjjiid maiddá earálágan árgabeaidiliid birra, dego oadđimis, beaiveruovttu birra, doaktárii mannamis, earálágan dovdduid birra ja bearrašiidda guoskevaš nupástuvvandiliid birra.

Diehtogirjjiid bealde vanhemat sáhttet luoikkahit mánáid bajásšaddadangirjjiid ja rávagirjjážiid. Girjerádjosis leat maiddá bláđit, musihka, jietnagirjjit, e-girjjit, filmmat ja spealut nu mánáide go maiddá sin vanhemiidda.

Vávváhoahkan- ja máinnasbottut

Lagasgirjerádjosis sáhtta leat earanoamáš prográmma vávvaide ja unna mánáziidda. Jeara iežat girjerádjosis, ordnejitgo sii vávváhoahkanbottuid, máinnasbottuid, dipmaelliid ijaid dehe eará mánáidprográmma. Girjerádjosa prográmmafálaldagat leat nuvtta ja dárkkuhuvvon buohkaide. Girjerádjosis ii dárbaš orrut jaska!



Go lohkan lea váttis

Girjerádjosis sáhtta luoikkahit maiddá suomagillii čállojuvvon čielgagielat girjiid. Dáid giella ja ráhkadus lea oktageardánit go suoma ng. girjegielas dehe almmolaš gielas. Čielgagielat girjjiin sáhtta leat ávki maiddá dutnje, gean eatnigiella ii leat suomagiella.

Jos dábalaš girjjiid lohkan orru váttis, omd. lohkan- dehe oahppanváttu dihte, bivdde girjerádjosis dovddaldagaid Celia nuvtta jietnagirjebálvalussii. Celia jietnagirječokkáldagas gávndo lohkaš buotahkásaččaide. Muite, ahte maiddá jietnagirjjiid sáhtta lohkat ovttas mánáin.

**BURES BOAHTIN OAHPÁSNUVVAT IEŽAT LAGASGIRJERÁDJOSII!
RABASDOALLANÁIGGIID JA OKTAVUOHTADIEĐUID GÁVNNAT
IEŽAT RUOVTTUGIELDDA NEAHTTASIIDDUIN.**